

洞玄靈寶八仙王教誡經

道言左右中真結形之始分於元始无上大道應化之氣孕靈
瓊胎九萬大劫幽閑寥寂九萬劫後法當應世結形理炁出於
瓊胎出胎之時九天雷震九地開裂舉步之初登天寶花身出
金光猶如初日二晨俠照晶彩曜眸背有斗星心前日象綠髮
駢齒紫氣連霄所在之處七素之雲晨夕蔭蓋隱龍圓蓮以爲
牀座天燈天燭照明雲路天樂天梵萬音齊鼓龍鳳撫節謠歌
太平邕邕和雅晃曜耳目甘泉甘井飲之愈疾形如金玉无有
衰老无爲和化經九萬劫爾時三真化作嬰童託附真母已漸
長大隨世成立

道藏輯要

教誡經

三

房集四

无上大道元始天尊授此三真號曰至孝真王治化中國傍攝
四夷有生之類咸來受事教其慈孝敬天順地守一寶形憐愍
萬物一千三百年後又更改新所謂淘汰滓穢水火冶鍊是時
三真孝王一治日中二治月中三治斗中上持三辰晶曜幽夜
玄治三氣冥適空有應變倏忽不待呼召如形出影不由憶想
雖處上界道適下土无上无下无边无际隨方設教拔諸異類
與其同好心无疑悞孝心高遠神力无比回天轉地制御陰陽
賒促遲度驅役千靈感動祥瑞无翼而飛瞬息九萬屈伸之頃
已周萬天皆由至孝慈順二親隣愍一切種植之類孝道慈悲
好生惡殺食肉飲酒非孝道也男女穢慢非孝道也胎產尸敗

非孝道也毀傷流血非孝道也偷劫竊盜非孝道也好習不善
講論惡事非孝道也樂處穢賤內外流汗心形疎懶不修生道
信心不篤輕浮頗好隨事放逐守一不慧心氣離散生老病死
種種煩惱死入地獄窮劫受苦永无出期原乎因緣失孝道
得種種苦下世男女修吾孝道與道同德既同德已與道同光
既同光已與道同真既同真已與道同身既同身已與道同神
既同神已與道同變既同變已與道同壽既同壽已與道同有
既同有已與道同无既同无已无處不无无處不有亦无處不
有无處不无寂寥虛豁无處不有隨心應變或爲帝王或爲忠
臣或爲賢人或爲孝子或爲道士或爲國師或棲寒林清齋苦

道藏輯要

教誡經

三

房集四
卷之四

行誦經念道建功立德或爲良將不戰而勝或積穀帛濟惠饑
寒或作明師決諸疾疫種種利益一切有生或下燈燭照明積
夜或促萬劫以爲一劫或延一劫以爲百劫或一毫端而昇大
地或一毛孔盛九大河及已四海不撓物性不覺不知或引十
方世界昇一針鋒來對目前有生之類皆見三真光氣法身種
種說法各得悟解奉吾孝道能入不思議處能爲不思議事失
吾孝道救苦不暇生死相續不可思議奉吾孝道得无畏果第
一離生死怖畏得不生不死果第二離暗障怖畏得光明果晝
明神光夜照天燈久則身光光无晝夜第三離饑寒怖畏得天
厨天衣果第四離眾試怖畏一切魔王及諸猛獸皆來受事而

爲侍衛第五離有形怖畏得入无形果入无形果者非滅生而
无形耶卽此凡身得成道身身同光氣昇入无形同於虛空故
謂之得无形果高下自任聚散隨心有无在意不待身心而所
爲也孝治天下不勞法令孝治其身志性堅正孝治百病天爲
醫之孝治萬物眾毒不害孝治山川草木不枯孝營生業田蠶
萬倍孝至於天風雨以時孝至於地萬類安靜神芝靈木處處
呈瑞孝至禽獸龍麟鸞鳳翔集境內孝至淵澤河侯獻珠魚龍
涌躍靜息波浪但孝二親元元大恩天地萬靈晨夕侍衛行道
守一自然得道孝道至大與元並生治於三光照曜幽夜有生
之類恃賴无窮

道藏輯要

教誡經

三

房集四

爾時靈童稽首敢問天尊下世生人又有不幸早喪二親孝心
何申答曰敬天順地朝禮三光如孝父母无有異也成道益速
所願從心又順地者順於王氣朝禮五嶽大小便利不忤太歲
順於四時修日新道期於八節請生謝罪內外方潔拔心露膽
誠香白熏洗滌流穢精而復精猶嫌不精真而彌真猶嫌不真
不真爲真求吾真道邪魅應之卒至退敗生入邪道魂魄被執
癡狂惑亂自製一法販賣道要以求利用賊滿罪積生身被考
種種苦惱死入地獄遍遭湯炭永无出期縱得出世生墮六畜
不如意中或生下賤盲聾瘖瘓手足不具永不見道永不聞法
爲諸人畜之所擯觸饑寒困苦性命危脆一失大道長淪惡趣

不可思議

道言有德之人孝心高遠道合天地故天不能殺道不可滅故地不能埋如埋瓊霜終成舍利不可毀壞上天入地无所滯礙往昔有人不識大道貪生畏死晨夕正念朝禮枯樹以求不死積四十年大道愍之勤苦不懈救其道氣如是枯樹一旦_此華此人歡喜彌加精進採服其華身遂得道修道之士取於不懈積功累德心行日新神燈神香神光神通是道之信建志不已道來降之教其真要定不虛也

道言下世邪俗覩道幽驗因以求用規他施財入己私費爲邪所中終不得道慳貪不捨失慈悲道无孝順心爲利奉道益其

道藏輯要

教誡經

云

房集四

詐僞詐僞之罪天地不赦學道之士莫與共處應須訶責舉其過咎擯出治罪勿許詐悔更次道流收其賊賄以給貧病不得穢財以營神功道言孝治堂宇裝嚴精舍无令穿敗流俗士女卑賤薰臭瘡疣穢酒色喪產食啖魚肉茹暈辛者永絕攸往勿相親近勿理齋厨

道言後有十惡五逆不孝陰賊誹謗毀訾破敗善道嫉妬驕慢貪婬嗜酒好啖魚肉田獵捕殺偷盜劫賊遵奉邪道心无慈孝志不平等捨貧親富喜好嘲調情愛戰鬪習畜器仗无忍辱心利己傷物孝道所忌人畜所畏不合聞道應須遠避勿相親近无上大道說此教誡爲下世明王孝治天下爲諸孝子報父母

恩軌則家國使天下太平八表歸一咸遵至孝有得之者晨夕
誦持不簡男女無論貴賤皆令尋誦以答一親元元大恩說此
經時天現神燈處處明朗天鍾天磬天梵天樂空中自鼓天香
天花隨風流轉家國人人供養是經思其義趣奉行其事傍勸
未聞有用之者應精紙筆疏潔沐浴煥香抄寫千卷百卷流通
供養香燈不絕心无懈怠必得成道不可思議

道藏輯要

教誡經

五

房集四

一〇〇〇

正一天師清微弟子 共百堅 製作

道教學術資訊網站